

**სსიპ - ივანე ჯავახიშვილის სახელობის თბილისის სახელმწიფო უნივერსიტეტის
სოციალურ და პოლიტიკურ მეცნიერებათა ფაკულტეტის დოქტორანტურისა და
სადისერტაციო საბჭოს დებულება**

მუხლი 1. ზოგადი დებულებები

წინამდებარე დებულება აწესრიგებს ივანე ჯავახიშვილის სახელობის თბილისის სახელმწიფო უნივერსიტეტის (ტექსტში შემდგომ „უნივერსიტეტი“ ან „თსუ“) სოციალურ და პოლიტიკურ მეცნიერებათა ფაკულტეტზე (ტექსტში შემდგომ „ფაკულტეტი“) სადოქტორო პროგრამების განხორციელებისა და დოქტორის აკადემიური ხარისხის მინიჭებისთვის აუცილებელ პროცედურას „უმაღლესი განათლების შესახებ“ საქართველოს კანონის, ივანე ჯავახიშვილის სახელობის თბილისის სახელმწიფო უნივერსიტეტის (ტექსტში შემდგომ „თსუ“) წესდების, სოციალურ და პოლიტიკურ მეცნიერებათა ფაკულტეტის დებულებისა და თსუ-ში მოქმედი რეგულაციების შესაბამისად.

მუხლი 2. დოქტორანტურა

1. „უმაღლესი განათლების შესახებ“ საქართველოს კანონის მე-2 მუხლის „ბ“ ქვეპუნქტის თანახმად, დოქტორანტურა არის აკადემიური უმაღლესი განათლების მესამე საფეხურის საგანმანათლებლო პროგრამა, სასწავლო და სამეცნიერო-კვლევითი კომპონენტების ერთობლიობა, რომელიც მიზნად ისახავს სამეცნიერო კადრის მომზადებას და მთავრდება დოქტორის აკადემიური ხარისხის მინიჭებით.
2. დოქტორანტურის მიზანია სადოქტორო პროგრამების საფუძველზე დოქტორანტის ინტელექტუალური ზრდის, ახალი ცოდნის შექმნისა და დანერგვისთვის ხელშეწყობა.
3. დოქტორანტურა მოიცავს სასწავლო და კვლევით კომპონენტებს.
4. დოქტორანტი არის პირი, რომელიც სწავლობს დოქტურანტურაში.
5. დოქტორის ხარისხი არის უმაღლესი აკადემიური ხარისხი, რომელიც თსუ-ის სოციალურ და პოლიტიკურ მეცნიერებათა ფაკულტეტის დოქტორანტურის კურსდამთავრებულს ენიჭება დოქტორანტურისთვის გათვალისწინებული კომპონენტების შესრულებისა და დისერტაციის დაცვის შემდეგ.
6. დოქტორანტურის კურსდამთავრებულს აკადემიურ ხარისხს ანიჭებს სოციალურ და პოლიტიკურ მეცნიერებათა ფაკულტეტის სადისერტაციო საბჭო. მისანიჭებული აკადემიური ხარისხის ფორმირება ხდება საქართველოს კანომდებლობის შესაბამისად მიმართულების ან/და დარგის/სპეციალობის მითითებით.
7. ერთობლივი პროგრამების შემთხვევაში, ერთობლივი აკადემიური ხარისხის მინიჭება ხდება საქართველოს ან/და უცხო ქვეყნის კანონმდებლობის შესაბამისად აღიარებული უმაღლესი საგანმანათლებლო დაწესებულებების მიერ.

მუხლი 3. სადოქტორო პროგრამა

1. სადოქტორო პროგრამის შემუშავება ხდება ფაკულტეტის აკადემიური პერსონალის მიერ ან უნივერსიტეტის სხვა ფაკულტეტთან, პარტნიორ უნივერსიტეტთან, სასწავლო ან სამეცნიერო დაწესებულებასთან ერთობლივად, უნივერსიტეტსა და ამ დაწესებულებას შორის დადგებული

სათანადო ხელშეკრულების საფუძველზე.

2. სადოქტორო პროგრამის პროექტს განიხილავს ფაკულტეტის ხარისხის უზრუნველყოფის სამსახური და ფაკულტეტის საბჭო. დადებითი გადაწყვეტილების შემთხვევაში სადოქტორო პროგრამა დასამტკიცებლად წარედგინება თსუ აკადემიურ საბჭოს.

3. სადოქტორო პროგრამას ხელმძღვანელობს თსუ სოციალურ და პოლიტიკურ მეცნიერებათა ფაკულტეტის პროფესორი ან ასოცირებული პროფესორი.

4. სადოქტორო პროგრამის განხორციელებაში მონაწილეობს თსუ-ის პროფესორი ან ასოცირებული პროფესორი, პარტნიორი სასწავლო ან სამეცნიერო დაწესებულების მეცნიერი, სადოქტორო პროგრამით გათვალისწინებული შესაბამისი აკადემიური ხარისხის მქონე მოწვეული სპეციალისტი.

5. სადოქტორო პროგრამის ხელმძღვანელი კოორდინირებას უწევს პროგრამის განხორციელებაში ჩართულ პირებს, დოქტორანტის სამეცნიერო ხელმძღვანელს.

6. სადოქტორო პროგრამის ხელმძღვანელს ევალება პროგრამის განხორციელებასთან დაკავშირებული საორგანიზაციო საკითხების მოგვარება, სამეცნიერო ხელმძღვანელებთან ერთად დოქტორანტების კონსულტირება ინდივიდუალური სასწავლო და კვლევითი კომპონენტის ოპტიმალურად დაგეგმვის მიზნით, ამ კომპონენტების განხორციელების მონიტორინგი და სხვ.

7. ერთი და იგივე პირი შეიძლება იყოს მხოლოდ ერთი სადოქტორო პროგრამის ხელმძღვანელი.

8. სადოქტორო პროგრამის წარდგენისა და დამტკიცების პროცედურა განისაზღვრება თსუ-ის სხვა სამართლებრივი აქტებით და სადოქტორო პროგრამის დაფინანსება ხორციელდება სახელმწიფო გრანტის, საუნივერსიტეტო დაფინანსების, ქვემოქმედებისა და თვითდაფინანსების ფორმით.

მუხლი 4. დოქტორანტურაში სწავლის უფლება

1. დოქტორანტურაში სწავლის უფლება აქვს მაგისტრის ან მასთან გათანაბრებული აკადემიური ხარისხის მქონე პირს.

2. დოქტორანტურაში რაში სწავლის უფლება შეიძლება მიენიჭოს უცხ. ოქთის უმაღლესი საგანმანათლებლო დაწესებულების კურსდამთავრებულს საქართველოს კანონმდებლობით დადგენილი წესით.

მუხლი 5. დოქტორანტურაში ჩარიცხვის წესი

1. დოქტორანტურაში ჩარიცხვისთვის წარსადგენი საბუთების ნუსხა და საბუთების მიღების ვადები განისაზღვრება თსუ-ის რექტორის ბრძანებით.

2. დოქტორანტურაში ჩარიცხვის პირობაა სავარაუდო სამეცნიერო ხელმძღვანელის თანხმობა.

3. დოქტორანტობის კანდიდატის მოეთხოვება ერთ-ერთი უცხო ენის -გერმანული, ინგლისური, ფრანგული - არანაკლებ B2 დონეზე ცოდნა.

4. დოქტორანტობის ის კანდიდატი, რომლისთვისაც ქართული ენა არაა მშობლიური და სურს სწავლა ქართულენოვან პროგრამაზე, ვალდებულია წარმოადგინოს ქართული ენის B2 დონის დამადასტურებელი სერტიფიკატი ან ჩაბაროს გამოცდა ქართულ ენაში.

5. დოქტორანტობის კანდიდატი წარმოადგენს შემოაქვს სადოქტორო კვლევითი პროექტის (პროსპექტუსი) გეგმას (დანართი N1), რომლის შეფასება მოხდება გასაუბრებაზე.
6. დოქტორანტი გადის გასაუბრებას დეკანის ბრძანებით შექმნილ შესაბამის დარგობრივ მიმღებ კომისიასთან.
7. სადოქტორო პროგრამამ შეიძლება დამატებით განსაზღვროს წერითი გამოცდა სპეციალობაში.
8. დოქტორანტობის კანდიდატოან ფორმდება ხელშეკრულება უნივერსიტეტში დადგენილი წესის მიხედვით, რომელიც განსაზღვრავს ყველა მხარის ვალდებულებებსა და უფლებებს.
9. დოქტორანტურაში მიღების ყველა პირობის დაგმაყოფილების შემთხვევაში უნივერსიტეტის რექტორი, დეკანის წარდგინებით, გამოსცემს დოქტორანტურაში კანდიდატის ჩარიცხვის შესაბამის სამართლებრივ აქტს.

მუხლი 6. დოქტორანტის სამეცნიერო ხელმძღვანელი

1. ფაკულტეტი უზრუნველყოფს დოქტორანტს დოქტორის აკადემიური ხარისხის მქონე სამეცნიერო ხელმძღვანელით.
2. დოქტორანტს შეიძლება ჰყავდეს ერთზე მეტი სამეცნიერო ხელმძღვანელი.
3. დოქტორანტის სამეცნიერო ხელმძღვანელი შეიძლება იყოს ფაკულტეტის სადისერტაციო საბჭოს წევრი პროფესორი ან ასოცირებული პროფესორი, აგრეთვე დოქტორის აკადემიური ხარისხის მქონე პირი, რომელიც არ არის ფაკულტეტის სადისერტაციო საბჭოს წევრი.
4. სამეცნიერო ხელმძღვანელის მიერ თსუ-ში დაკავებული აკადემიური თანამდებობის დატოვება არ იწვევს დოქტორანტის ხელმძღვანელის სტატუსის დაკარგვას. ასეთ შემთხვევაში, ფაკულტეტის სადისერტაციო საბჭო მიიღებს გადაწყვეტილებას, ფაკულტეტის სადისერტაციო საბჭოში მისი მოწვევის შესახებ.
5. დოქტორანტის სამეცნიერო ხელმძღვანელ(ებ)ის დამტკიცების გადაწყვეტილებას იღებს ფაკულტეტის საბჭო, სადისერტაციო საბჭოს წარდგინებით დარგობრივი სექციის შუამდგომლობის საფუძველზე დოქტორანტის ჩარიცხვიდან ერთი თვის ვადაში.
6. დოქტორანტის სამეცნიერო ხელმძღვანელად შეიძლება დამტკიცდეს პირი, რომელსაც აქვს დოქტორანტის სადისერტაციო თემასთან დაკავშირებული სამეცნიერო კვლევის გამოცდილება და შესაბამისი პუბლიკაციები.
7. დოქტორანტის სამეცნიერო ხელმძღვანელი კონტროლს უწევს დოქტორანტის ინდივიდუალური გეგმის სასწავლო და კვლევითი კომპონენტების შესრულებას, იბარებს სადოქტორო პროგრამით განსაზღვრული სხვადასხვა სახის საქმიანობის ანგარიშებს და სასწავლო წლის ბოლოს წარუდგენს სადისერტაციო საბჭოს, ხელმძღვანელობს დოქტორანტის ასისტირებისათვის მომზადებას.
8. იმ შემთხვევაში თუ დოქტორანტის სამეცნიერო ხელმძღვანელი უარს ამბობს დოქტორანტის ხელმძღვანელობაზე, მან სწავლის ნებისმიერ ეტაპზე დასაბუთებული განცხადებით უნდა მიმართოს სადისერტაციო საბჭოს. სადისერტაციო საბჭოს გადაწყვეტილება დასამტკიცებლად წარედგინება ფაკულტეტის საბჭოს.

მუხლი 7. დოქტორანტურაში სწავლა

1. დოქტორანტმა სწავლისა და კვლევის პროცესში უნდა დააგროვოს არანაკლებ 180 ECTS კრედიტი.
2. დოქტორანტურაში კრედიტების დაგროვება ხორციელდება თსუ-ის დოქტორანტურის მინიმალური სტანდარტით დადგენილი წესით. 180 ECTS კრედიტი მოიცავს სასწავლო (40 ECTS კრედიტი) და კვლევით (140 ECTS კრედიტი) კომპონენტებს.
3. დოქტორანტურაში მიღება ცხადდება შემოდგომის სემესტრში.
4. სადოქტორო თემის სათაურის დამტკიცების შესახებ გადაწყვეტილებას იღებს ფაკულტეტის საბჭო, სადისერტაციო საბჭოს წარდგინებით დარგობრივი სექციის შუამდგომლობის საფუძველზე დოქტორანტის ჩარიცხვიდან ერთი თვის ვადაში.
5. სადოქტორო თემის სათაურის დაზუსტება შესაძლებელია დოქტორანტურაში სწავლის განმავლობაში.
6. სადოქტორო თემის შეცვლა დასაშვებია სწავლის ოთხი სემესტრის დასრულებამდე. ასეთ შემთხვევაში დოქტორანტის სამეცნიერო ხელმძღვანელის შუამდგომლობით სადისერტაციო საბჭოს დარგობრივი სექცია განიხილავს სადოქტორო თემის შეცვლის საკითხს და იღებს შესაბამის გადაწყვეტილებას, რომელიც აისახება სხდომის ოქმში. ოქმი წარედგინება სადისერტაციო საბჭოს.

მუხლი 8. დოქტორანტურის სასწავლო და კვლევითი კომპონენტები

1. დოქტორანტურის სასწავლო და კვლევითი კომპონენტები მიზნად ისახავს დოქტორანტის დარგობრივ და მეთოდოლოგიურ დახელოვნებას, ხელს უწყობს დოქტორანტს სადისერტაციო ნაშრომის შესრულებაში, ამზადებს მას მომავალი პედაგოგიური და სამეცნიერო საქმიანობისათვის.
2. დოქტორანტურის სასწავლო კომპონენტი მოიცავს სავალდებულო და არჩევით კლემენტებს.
3. სასწავლო კომპონენტის შემადგენელი ელემენტებიდან ყველა დოქტორანტისთვის სავალდებულოა:
 - ა) სწავლების მეთოდები (5 კრედიტი);
 - ბ) ერთი სემინარი (15 კრედიტი);
 - გ) პროფესორის ასისტენტობა (5 კრედიტი);
4. სასწავლო კომპონენტის დანარჩენი ელემენტები არჩევითია და განსაზღვრულია კონკრეტული სადოქტორო პროგრამის თავისებურებების გათვალისწინებით.
5. დოქტორანტის კვლევითი კომპონენტი მოიცავს სადისერტაციო ნაშრომს (140 კრედიტი) და 2 კოლოკვიუმს.
6. სემინარებისა და კოლოკვიუმების ჩატარების განრიგი მტკიცდება დეკანის ბრძანებით და ტარდება დასკვნითი გამოცდების პერიოდში.

მუხლი 9. დოქტორანტის ინდივიდუალური სასწავლო და კვლევითი გეგმა

1. დოქტორანტის ინდივიდუალური სასწავლო და კვლევითი გეგმა იქმნება დარგში მიღებული ცოდნის გასაღრმავებლად და კონკრეტული კვლევითი პროექტის განასხორციელებლად.
2. თითოეული დოქტორანტი სამეცნიერო ხელმძღვანელთან, შესაბამისი სადოქტორო პროგრამის ხელმძღვანელთან/ხელმძღვანელებთან შეთანხმებით ადგენს ინდივიდუალურ სასწავლო და კვლევითი გეგმას.
3. დოქტორანტურაში სწავლის დასაწყისში, დოქტორანტი სპეციალურ შევსებულ ფორმას „დოქტორანტის ინდივიდუალური სასწავლო გეგმა“ (ფორმა N1) წარუდგენს ფაკულტეტის სამეცნიერო კვლევებისა და განვითარების სამსახურს.
4. სასწავლო კომპონენტის დასრულების შემდეგ, ფაკულტეტის სასწავლო პროცესის მართვის სამსახური სადისერტაციო საბჭოს ოფიციალურად აცნობებს დოქტორანტის მიერ სასწავლო კომპონენტის შესრულების შესახებ და წარუდგენს მას ამონაწერს დოქტორანტის სასწავლო ბარათიდან, რომელიც დამოწმებულია ფაკულტეტის დეკანის ხელმოწერითა და ბეჭედით.
5. დოქტორანტურაში სწავლის დასაწყისში, დოქტორანტი თავის სამეცნიერო ხელმძღვანელთან და შესაბამისი სადოქტორო პროგრამის ხელმძღვანელთან შეთანხმებით ადგენს ინდივიდუალურ კვლევით გეგმას და შევსებულ სპეციალურ ფორმას (ფორმა N2) წარუდგენს ფაკულტეტის სამეცნიერო

კვლევებისა და განვითარების სამსახურს. დოქტორანტის ინდივიდუალური კვლევითი გეგმა იქმნება სადისერტაციო ნაშრომის (კონკრეტული კვლევითი პროექტის) განსახორციელებლად. დოქტორანტის ინდივიდუალურ კვლევით გეგმაში მოცემულია კვლევის მიზანი, სადისერტაციო ნაშრომის სტრუქტურა და კვლევის საგარაუდო გრაფიკი.

6. დოქტორანტის ინდივიდუალური სასწავლო და კვლევითი გეგმა ინახება დოქტორანტის პირად საქმეში.

მუხლი 10. სადისერტაციო ნაშრომი

1. სადისერტაციო ნაშრომი (დისერტაცია) წარმოადგენს დოქტორანტის დამოუკიდებელი კვლევის საფუძველზე შექმნილ სამეცნიერო ნაშრომს. ის უნდა ასახავდეს კვლევის მეცნიერულად დასაბუთებულ შედეგებს, რომელსაც წელილი შეაქვს შესაბამისი სამეცნიერო დარგის განვითარებაში. თუ დოქტორანტი კვლევით ჯგუფშია ჩართული, ნათლად უნდა ჩანდეს კვლევაში მისი წელილი.
2. დისერტაცია უნდა შესრულდეს ქართულ ენაზე. სადისერტაციო საბჭოს გადაწყვეტილებით დასაშვებია დისერტაციის უცხო ენაზე შესრულება და დაცვა, თუ სადოქტორო პროგრამა უცხოენოვანია.
3. სადისერტაციო ნაშრომის მოცულობას, ფორმატს და სტილს განსაზღვრავს ფაკულტეტის სადისერტაციო საბჭო და ამტკიცებს ფაკულტეტის საბჭო (დანართი N6).

მუხლი 11. დოქტორანტის მიერ სადისერტაციო ნაშრომის წარდგენა

1. სადისერტაციო ნაშრომი სადისერტაციო საბჭოს გადაეცემა ქართულ ენაზე (ზემოთხევნებული გამონაკლისის გარდა) ორ და უცხო ენაზე ერთ მაგარ ყდაში აკინძულ ეგზემპლარად, ასევე ელექტრონული სახით (CD).
2. სადისერტაციო ნაშრომთან ერთად დოქტორანტმა უნდა წარადგინოს შემდეგი დოკუმენტები:
 - ა) სადოქტორო პროგრამით გათვალისწინებული სასწავლო და კვლევითი კომპონენტის კრედიტების დაგროვების დამადასტურებელი დოკუმენტი.
 - ბ) გამოქვეყნებული სამეცნიერო ნაშრომების ამონაბეჭდი (ჟურნალის თავფურცელი, სარჩევი, სტატია), ან დასაბჭდად მიღების დამადასტურებელი დოკუმენტი.
 - გ) სამეცნიერო კონფერენციების მასალები, სადაც ასახული იყო სადისერტაციო ნაშრომის დებულებები და შედეგები (ასეთის არსებობის შემთხვევაში).
3. სადისერტაციო ნაშრომის დაცვაზე დასაშვებად აუცილებელია დოქტორანტის სამეცნიერო ხელმძღვანელის დასკვნა იმის შესახებ, რომ ნაშრომი მზად არის საჯარო განხილვისთვის წარსადგენად.
4. სადისერტაციო ნაშრომის დაცვაზე დასაშვებად აუცილებელია ორი პუბლიკაცია სადისერტაციო თემის ფარგლებში. მათ შორის, ერთი პუბლიკაცია - Scopus-ის ბაზაში ინდექსირებულ სამეცნიერო ურნალში, ან კონფერენციის მასალებში (proceedings) სტატიის სახით; მეორე პუბლიკაცია - რეცენზირებად სამეცნიერო ურნალში
5. წარმოდგენილ დოკუმენტებს ამოწმებს სადისერტაციო საბჭოს მდივანი და დარგობრივი სექციის მდივანი.
6. დოქტორანტი თავისუფლდება სწავლის გადასახადისგან, თუ ნაშრომს წარმოადგენს მიმდინარე სემესტრის ადმინისტრაციული რეგისტრაციის ვადებში; ხოლო სემესტრის განმავლობაში ნაშრომის წარმოდგენისას - მომდევნო სემესტრიდან.

მუხლი 12. სადისერტაციო ნაშრომის წინასწარი შეფასება

1. დარგობრივ სექციაში სადისერტაციო დოკუმენტაციის წარდგენის შემდგომ, ორი კვირის გადაში, დარგობრივი სექცია ვალდებულია წარადგინოს ოქმი, რომლითაც შუამდგომლობს სადისერტაციო საბჭოს წინაშე, დამტკიცოს:

 - ა) ნაშრომის შემფასებლების/რეცენზენტების კანდიდატურები;
 - ბ) სადისერტაციო კომისიის სავარაუდო შემადგენლობა და სათადარიგო წევრთა კანდიდატურები;
 - გ) საჭიროების შემთხვევაში დაცვის სხვა ენაზე წარმართვა.

2. სადისერტაციო ნაშრომის რეცენზენტად ინიშნება დოქტორის აკადემიური ხარისხის მქონე, შესაბამისი დარგობრივი კვალიფიკაციის პირი, რომელსაც სადისერტაციო ნაშრომის საკვლევ სფეროში აქვს პუბლიკაციები.
3. სადისერტაციო ნაშრომს აფასებს ფაკულტეტის სადისერტაციო საბჭოს მიერ დამტკიცებული სამი შემფასებელი, მათგან ერთი – უცხოელი.
4. სადისერტაციო ნაშრომის შეფასებისთვის/რეცენზირებისთვის გამოყოფილი დრო განისაზღვრება შეფასებაზე თანხმობის მიღების დღიდან ორი თვის ვადით.
5. შემფასებელთა მიერ წარმოდგენილი რეცენზიები ბეჭდური და ელექტრონული ფორმით გადაეცემა ფაკულტეტის სამეცნიერო კვლევებისა და განვითარების სამსახურს. უცხოელი შემფასებლის რეცენზია უნდა იყოს თარგმნილი და დამოწმებული. რეცენზია უნდა შეიცავდეს რეკომენდაციას/დასკვნას ნაშრომის დაცვაზე დაშვების, ან შესასწორებლად დოქტორანტისათვის უკან დაბრუნების, ანდა დაცვაზე უარის თქმის შესახებ.
6. თუ შემფასებლების ნახევარზე მეტი უარყოფითად შეაფასებს დისერტაციას, სადისერტაციო ნაშრომი დაცვაზე დაშვებული არ იქნება.
7. თუ სადისერტაციო ნაშრომი დაცვაზე არ იქნა დაშვებული, სადისერტაციო საბჭოს გადაწყვეტილებით, დოქტორანტს შეიძლება მიეცეს დისერტაციაზე დამატებითი მუშაობის უფლება მაქსიმუმ 12 თვის ვადით. შესწორებული ნაშრომის კვლავ უარყოფითად შეფასების შემთხვევაში დოქტორანტის ნაშრომი აღარ მიიღება დასაცავად.
8. სადისერტაციო საბჭოს სამდიგნო დოქტორანტს გადასცემს რეცენზენტების დასკვნების ასლებს, ხოლო დაცვაზე დაშვების შემთხვევაში, ატყობინების დაცვის თარიღს. დაცვისთვის მოსამზადებლად დოქტორანტს უნდა მიეცეს სულ მცირე 1 თვის ვადა.
9. დაცვაზე დაშვების უარის თქმის შემთხვევაში, სადისერტაციო ნაშრომის ერთი ეგზემპლარი და რეცენზენტების წერილობითი დასკვნები ინახება სადისერტაციო საბჭოს არქივში.

მუხლი 13. სადისერტაციო კომისია

1. სადისერტაციო კომისიის შემადგენლობას, სათადარიგო წევრების ჩათვლით, სადისერტაციო საბჭოს წინაშე დასამტკიცებლად შუამდგომლობს დარგობრივი სექცია.
2. სადისერტაციო კომისიის შემადგენლობას სადისერტაციო საბჭო ამტკიცებს შემფასებელთა მიერ დისერტაციაზე რეცენზიების წარდგენის შემდეგ, დისერტაციის დაცვამდე არაუაგვიანეს 30 დღისა.
3. სადისერტაციო კომისია უნდა შედგებოდეს მინიმუმ ხუთი წევრისგან. სადისერტაციო კომისიაში შეიძლება შეყვანილ იქნეს დოქტორის აკადემიური ხარისხის მქონე სხვა პირი, რომელიც არ არის ფაკულტეტის სადისერტაციო საბჭოს წევრი.

4. სადისერტაციო კომისიის თავმჯდომარე და მდივანი აირჩევა კომისიის სხდომაზე ხმათა უბრალო უმრავლესობით.
5. სადისერტაციო კომისიის თავმჯდომარე უფლებამოსილია სათადარიგო კანდიდატურით ჩაანაცვლოს კომისიის ის წევრი, რომელსაც საპატიო მიზეზის გამო არ შეუძლია დისერტაციის დაცვაზე დასწრება.
6. დისერტაციის სამეცნიერო ხელმძღვანელი და თემის რეცენზენტები არ შეიძლება იყვნენ სადისერტაციო კომისიის წევრები.
7. სადისერტაციო კომისიის წევრები ვალდებული არიან იცნობდნენ სადისერტაციო ნაშრომს, შემფასებელთა მიერ წარმოდგენილ დასკვნებს და შემოსულ გამოხმაურებებს.
8. სადისერტაციო კომისიის სხდომა უფლებამოსილია, თუ მის მუშაობაში მონაწილეობს კომისიის შემადგენლობის არანაკლებ 2/3.

მუხლი 14. დისერტაციის დაცვა

1. სადისერტაციო ნაშრომების დაცვა ტარდება სემესტრში ერთხელ, ერთი თვის განმავლობაში, სადისერტაციო საბჭოს მიერ დამტკიცებული გრაფიკით.
2. დისერტაციის დაცვა საჯაროა. ინფორმაცია დაცვის შესახებ ქვეყნდება ფაკულტეტის ვებგვერდზე დისერტაციის დაცვამდე მინიმუმ ორი კვირით ადრე.
3. დაცვის ენა არის ქართული. სადისერტაციო საბჭო უფლებამოსილია მიიღოს დაცვის სხვა ენაზე წარმართვის გადაწყვეტილება.
4. დისერტაციის დაცვის მსვლელობა და მიღებული გადაწყვეტილება აისახება ოქმში, რომელსაც აღგენს სადისერტაციო კომისიის მდივანი და ხელს აწერენ სადისერტაციო კომისიის წევრები.
5. დისერტაციის დაცვა შედგება შემდეგი პროცედურებისაგან:
 - ა) დოქტორანტის პრეზენტაცია (20-30 წუთი);
 - ბ) რეცენზიების საჯაროდ წაკითხვა;
 - გ) დოქტორანტის მიერ რეცენზიებში წარმოდგენილ შენიშვნებზე და დასმულ შეკითხვებზე საჯარო პასუხის გაცემა/სამეცნიერო დისტაცია;
 - დ) კომისიის დახურული სხდომა სადისერტაციო ნაშრომის შესაფასებლად და დასკვნის გაფორმება კომისიის ყველა წევრის ხელმოწერით;
 - ე) სადისერტაციო ნაშრომის შეფასების გამოცხადება.
6. დაცვის შემდეგ, სადისერტაციო საბჭოს სამდივნოს გადაეცემა დისერტაციის შეფასებები და პირადი საქმე, დაცვის ამსახველი დოკუმენტაცია (წერილობითი სახით დისერტანტის პრეზენტაციისა და რეცენზენტოა შენიშვნებზე მისი პასუხის ტექსტები, სადისერტაციო კომისიის საბოლოო დასკვნა, გამოყენებული ბიულეტენები), აგრეთვე დისერტაციის მსვლელობის აუდიო ჩანაწერი.
7. სადისერტაციო კომისიის ერთ სხდომაზე შეიძლება ჩატარდეს მხოლოდ ერთი დისერტაციის დაცვა.
8. სადისერტაციო კომისიის მიერ „არადამაკმაყოფილებელი“ შეფასების მიღების შემთხვევაში დოქტორანტს ენიჭება გადამუშავებული სადისერტაციო ნაშრომის ერთი წლის განმავლობაში წარდგენის უფლება.

მუხლი 15. სადისერტაციო ნაშრომის შეფასება

1. სადისერტაციო ნაშრომის შეფასება ხდება სადისერტაციო კომისიის მიერ დახურულ სხდომაზე შემდეგი სისტემით:
 - a) "summa cum laude" - "ფრიადი" – შესანიშნავი ნაშრომი – შეფასების 91-100 ქულა;
 - b) "magna cum laude" - "ძალიან კარგი" – შედეგი, რომელიც წაყენებულ მოთხოვნებს ყოველმხრივ აღემატება, შეფასების 81–90 %;
 - c) "cum laude" - "კარგი" – შედეგი, რომელიც წაყენებულ მოთხოვნებს აღემატება, შეფასების 71–80%;
 - d) "bene" - "საშუალო" – საშუალო დონის ნაშრომი, რომელიც წაყენებულ ძირითად მოთხოვნებს აქმაყოფილებს, შეფასების 61–70%;
 - e) "rite" - "დამაკმაყოფილებელი" – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს, შეფასების 51–60 %;
 - f) "insufficienter" - "არადამაკმაყოფილებელი" – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო; შეფასების 41–50 %;
 - g) "sub omni canone" - "სრულიად არადამაკმაყოფილებელი" – შედეგი, რომელიც წაყენებულ მოთხოვნებს სრულიად ვერ აკმაყოფილებს, შეფასების 40 % და ნაკლები.
2. ამ მუხლის „ა“ - „ე“ ქვეპუნქტებით გათვალისწინებული შეფასების მიღების შემთხვევაში დოქტორანტის ენიჭება დოკტორის აკადემიური ხარისხი.
3. ამ მუხლის „გ“ ქვეპუნქტით გათვალისწინებული შეფასების მიღების შემთხვევაში დოქტორანტს ენიჭება გადამუშავებული სადისერტაციო ნაშრომის ერთი წლის განმავლობაში წარდგენის უფლება.
4. ამ მუხლის „ზ“ ქვეპუნქტის გათვალისწინებული შეფასების მიღების შემთხვევაში დოქტორანტი კარგავს იგივე სადისერტაციო ნაშრომის წარდგენის უფლებას.

მუხლი 16. ხარისხის მინიჭება

1. ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის დოქტორანტს დოკტორის აკადემიურ ხარისხს (Ph.D) ანიჭებს ფაკულტეტის სადისერტაციო საბჭო.
2. მისანიჭებელი აკადემიური ხარისხის ფორმირება ხდება ეროვნული საკვალიფიკაციო ჩარჩოს შესაბამისად – მიმართულებების ან/და დარგის/სპეციალობის მითითებით.

მუხლი 17. დისერტაციის გამოქვეყნება

დოქტორანტი ვალდებულია, დისერტაციის დაცვის შემდეგ ფაკულტეტის მიერ დადგენილ ვადაში (1–3 თვე) გამოაქვეყნოს დისერტაცია ბეჭდური ან ელექტრონული ფორმით. დისერტაციის ერთი ბეჭდური ან ელექტრონული ეგზემპლარი უნდა გადაეცეს საუნივერსიტეტო ბიბლიოთეკას. დისერტაცია ელექტრონული ფორმით უნდა გამოქვეყნდეს უნივერსიტეტის გამომცემლობის ვებგვერდზე და საუნივერსიტეტო ბიბლიოთეკის ვებგვერდზე.

მუხლი 18. დოქტორის აკადემიური ხარისხის დამადასტურებელი დიპლომი

1. დისერტაციის დაცვის და გამოქვეყნების შემდეგ დოქტორანტს გადაეცემა დოქტორის აკადემიური ხარისხის დამადასტურებელი დიპლომი.

მუხლი 19. ერთობლივი სადოქტორო პროგრამები

1. სოციალურ და პოლიტიკურ მეცნიერებათა ფაკულტეტზე შეიძლება განხორციელდეს სადოქტორო პროგრამა თსუ-სა და სხვა უნივერსიტეტ(ებ)ს შორის თანამშრომლობით.
2. სადოქტორო პროგრამის ფარგლებში შესაძლებელია ერთობლივი აკადემიური ხარისხის მინიჭება.
3. დოქტორანტის ხელმძღვანელობისა და ხარისხის მინიჭების წესები რეგულირდება შესაბამისი ხელშეკრულებით, თსუ-ის დოქტორანტურის მინიმალური სტანდარტისა და წინამდებარე დებულების მოთხოვნებით.

მუხლი 20. სოციალურ და პოლიტიკურ მეცნიერებათა ფაკულტეტის სადისერტაციო საბჭო

1. ფაკულტეტის სადისერტაციო საბჭო არის დოქტორის აკადემიური ხარისხის მიმნიჭებელი ორგანო, რომელიც შექმნილია ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტზე.
2. სადისერტაციო საბჭო შედგება დოქტორის აკადემიური ხარისხის მქონე ფაკულტეტის ყველა პროფესორისა და ასოცირებული პროფესორისაგან.
3. სადისერტაციო საბჭო თავის უფლებამოსილებას ახორციელებს საქართველოს კანონმდებლობის, თსუ აკადემიური საბჭოს დადგენილებების, ფაკულტეტის დოქტორანტურისა და სადისერტაციო საბჭოს დებულების საფუძველზე.
4. სადისერტაციო საბჭო შედგება დარგობრივი სექციებისაგან, რომელშიც ერთიანდებიან ფაკულტეტის პროფესორები.
5. სადისერტაციო საბჭოს სხდომა უფლებამოსილია, თუ მას ესწრება წევრთა სიითი შემადგენლობის ნახევარზე მეტი. გადაწყვეტილების მისადებად საჭიროა დამსწრეთა ხმების უბრალო უმრავლესობა.
6. სადისერტაციო საბჭოს თავმჯდომარეს სადისერტაციო საბჭოს შემადგენლობიდან ირჩევს სადისერტაციო საბჭო 2 წლის ვადით ფარული კენჭისყრით, კვორუმის შემთხვევაში უბრალო უმრავლესობით. ერთი და იგივე პირი სადისერტაციო საბჭოს თავმჯდომარედ აირჩევა ზედიზედ მხოლოდ ორჯერ.
7. სადისერტაციო საბჭოს თავმჯდომარის არჩევამდე სხდომას უძღვება ფაკულტეტის დეკანი.
8. სადისერტაციო საბჭოს მდივნის კანდიდატურას საარჩევნოდ წარადგენს სადისერტაციო საბჭოს თავმჯდომარე. არჩევნები არის დია. ერთი და იგივე პირი სადისერტაციო საბჭოს მდივნად აირჩევა ზედიზედ მხოლოდ ორჯერ.
9. სადისერტაციო საბჭოს სხდომის მიმდინარეობა აისახება ოქმში, რომელსაც ხელს აწერენ საბჭოს თავმჯდომარე და მდივანი.

მუხლი 21. სადისერტაციო საბჭოს უფლებამოსილება

სადისერტაციო საბჭო თავისი კომპეტენციის ფარგლებში:

- ა) ირჩევს სადისერტაციო საბჭოს თავმჯდომარეს;
- ბ) სადისერტაციო საბჭოს თავმჯდომარის წარდგინებით ამტკიცებს სადისერტაციო საბჭოს მდივანს;
- გ) ამტკიცებს დარგობრივი სექციის ხელმძღვანელსა და მდივანს;

- დ) ფაკულტეტის საბჭოს დასამზეციცებლად/ შესაცვლელად წარუდგენს დოქტორანტის სადისერტაციო ნაშრომის სათაურსა და სამეცნიერო ხელმძღვანელს;
- ე) ამტკიცებს სადისერტაციო ნაშრომის შემფასებლებს (რეცენზენტებს);
- ვ) ამტკიცებს სადისერტაციო კომისიის შემადგენლობას;
- ზ) ამტკიცებს დაცვების განრიგს;
- თ) ანიჭებს დოქტორის აკადემიურ ხარისხს სადისერტაციო კომისიის დასკვნის საფუძველზე;
- ი) ახორციელებს თუ აკადემიური საბჭოს დადგენილებითა და ამ დებულებით განსაზღვრულ სხვა უფლებამოსილებებს.

პუხლი 22. სადისერტაციო საბჭოს თავჯდომარისა და მდივნის უფლებამოსილება

1. სადისერტაციო საბჭოს თავმჯდომარე:

- ა) უზრუნველყოფს სადისერტაციო საბჭოს ფუნქციონირებას წინამდებარე დებულების საფუძველზე, პასუხისმგებელია სადისერტაციო საბჭოს საქმიანობაზე;
- ბ) უზრუნველყოფს სადისერტაციო საბჭოს ფუნქციონირებისთვის საჭირო სამოქმედო დოკუმენტების შემუშავებას, დაზუსტებასა და სრულყოფას;
- გ) იწვევს და უძღვება სადისერტაციო საბჭოს სხდომებს;
- დ) პასუხისმგებელია დისერტაციის დაცვის პროცედურების ორგანიზებაზე;
- ე) სადისერტაციო საბჭოს ყოველწლიურად წარუდგენს შესრულებული საქმიანობის ანგარიშს.
2. სადისერტაციო საბჭოს მდივანი:
- ა) უზრუნველყოფს საბჭოს ორგანიზაციულ საქმიანობას;
- ბ) აწარმოებს სადისერტაციო საბჭოს სხდომის ოქმებსა და სადისერტაციო საბჭოს დებულებით გათვალისწინებულ სხვა დოკუმენტაციას;
- გ) ხელმძღვანელობს სადისერტაციო საბჭოს საქმის წარმოებას.

პუხლი 23. სადისერტაციო საბჭოს დარგობრივი სექცია

1. სადისერტაციო საბჭოს დარგობრივი სექციის საქმიანობა წარიმართება წინამდებარე დებულების შესაბამისად.

2. სადისერტაციო საბჭოს დარგობრივ სექციაში ერთიანდებიან შესაბამისი დეპარტამენტის ყველა სრული და ასოცირებული პროფესორი.

3. დარგობრივი სექციის წევრები თავისი შემადგენლობიდან ორი წლის ვადით ირჩევენ დარგობრივი სექციის თავმჯდომარეს, რომელსაც ამტკიცებს სადისერტაციო საბჭო. ერთი და იგივე პირი დარგობრივი სექციის თავმჯდომარედ შეიძლება აირჩის ზედიზედ მხოლოდ ორჯერ.

4. სადისერტაციო საბჭოს დარგობრივი სექციის მდივანს სექციის თავმჯდომარის წარდგინებით ამტკიცებს სადისერტაციო საბჭო.

5. სადისერტაციო საბჭოს დარგობრივი სექცია უფლებამოსილია გადაწყვეტილება მიიღოს, თუ მას ესწრება წევრთა საერთო რაოდენობის ნახევარზე მეტი. გადაწყვეტილების მისაღებად საჭიროა დამსწრეთა ხმების უბრალო უმრავლესობა. სადისერტაციო საბჭოს დარგობრივი სექციის სხდომის მიმდინარეობა აისახება ოქმში, რომელსაც ხელს აწერენ სექციის თავმჯდომარე და მდივანი.

6. სადისერტაციო საბჭოს დარგობრივი სექციის გადაწყვეტილება დოქტორანტს უნდა ეცნობის წერილობით.

მუხლი 24. სადისერტაციო საბჭოს დარგობრივი სექციის უფლებამოსილება

1 სადისერტაციო საბჭოს დარგობრივი სექცია:

ა) ირჩევს სექციის თავმჯდომარებ;

ბ) განიხილავს სადისერტაციოდ წარდგენილი თემის აქტუალობას, მონაწილეობს თემის სათაურის დაზუსტების პროცესში და თემის დასამტკიცებლად შუამდგომლობს სადისერტაციო საბჭოს წინაშე;

გ) განიხილავს დოქტორანტის ინდივიდუალურ გეგმას;

დ) განიხილავს დოქტორანტის სამეცნიერო ხელმძღვანელის კანდიდატურას, აგრეთვე სამეცნიერო ხელმძღვანელის შეცვლასთან დაკავშირებულ საკითხებს და დასამტკიცებლად შუამდგომლობს სადისერტაციო საბჭოს წინაშე;

ე) განიხილავს სადისერტაციო ნაშრომის რეცენზენტების კანდიდატურებს და დასამტკიცებლად წარუდგენს სადისერტაციო საბჭოს;

ვ) სადისერტაციო საბჭოს დასამტკიცებლად წარუდგენს სადისერტაციო კომისიის ძირითად და სათადარიგო შემადგენლობას.

ზ) მიმართავს სადისერტაციო საბჭოს დაცვის დასანიშნად.

მუხლი 25. დოქტორანტის მიერ სადოქტორო პროგრამის შეცვლის პროცედურები

1. დოქტორანტს აქვს უფლება შეიცვალოს სადოქტორო პროგრამა ერთი ფაკულტეტის ფარგლებში. საკითხს განიხილავს სადისერტაციო საბჭო დოქტორანტის განცხადების საფუძველზე, იმ სადოქტორო პროგრამის ხელმძღვანელის თანხმობის შემთხვევაში, რომელზე გადასვლაც სურს დოქტორანტს.

2. დოქტორანტის მიერ სადოქტორო პროგრამის შეცვლა ფორმდება რექტორის ინდივიდუალური ადმინისტრაციულ-სამართლებრივი აქტით, ფაკულტეტის დეკანის წარდგინების საფუძველზე.

მუხლი 26. დასკვნითი დებულებები

1. წინამდებარე დებულებას შეიმუშავებს ფაკულტეტის საბჭო და ამტკიცებს უნივერსიტეტის აკადემიური საბჭო.

2. წინამდებარე დებულების მიღება, გაუქმება, მასში ცვლილებებისა და დამატებების შეტანა ხდება ამ მუხლის პირველი პუნქტით დადგენილი წესით.

3. წინამდებარე დებულება დასამტკიცებლად გადაეცემა უნივერსიტეტის აკადემიურ საბჭოს და ამოქმედდება აკადემიური საბჭოს მიერ მისი დამტკიცებისთანავე.

დანართები:

დანართი №1. სადოქტორო -კვლევითი პროექტის გეგმა (პროსპექტუსი) განაცხადის ფორმა

ივ. ჯავახიშვილის სახელობის თბილისის სახელმწიფო უნივერსიტეტი სოციალურ და
პოლიტიკურ მეცნიერებათა ფაკულტეტი

სახელი, გვარი:

სადოქტორო პროგრამა:

სადოქტორო - კვლევითი პროექტის გეგმა (პროსპექტუსი)

სადოქტორო კვლევითი პროექტის სათაური:

ა) საბჭედის თემა:

(განსაზღვრეთ საკვლევი თემა და დაასაბუთეთ მისი აქტუალური რაოდენობა -200

ბ) კვლევის მიზანი და ამოცანები, საკვლევი კითხვები, ან/და ჰიპოთეზები (საჭიროების შემთხვევაში): სიტყვების მაქსიმალური რაოდენობა - 150

გ) კონცეპტუალური/თეორიული ჩარჩო და ლიტერატურის მიმოხილვა:

(წარმოადგინეთ ლიტერატურის მიმოხილვა, რომელიც განსაზღვრავს საკვლევი თემის შესახებ არსებულ ცოდნას და ახალი ცოდნის შექმნის საჭიროებას). სიტყვების მაქსიმალური რაოდენობა - 500

დ) მეთოდოლოგია და კვლევის განხორციელების ეტაპები: (აღწერეთ კვლევის მეთოდოლოგია, რომლის საშუალებით იქნება მიღწეული კვლევის მიზანი).

სიტყვების მაქსიმალური რაოდენობა- 400.

თარიღი:

სელმოწერა

დანართი №2 დოქტორანტურაში მისაღები გასაუბრებისა და გამოცდის შეფასების წესი

სადოქტორო კვლევითი პროექტის გეგმის (პროსპექტუსის) და გასაუბრების შეფასება წარმოადგენს დოქტორანტურაში მიღების მინიმალურ სავალდებულო პირობას. დოქტორანტურაში ჩარიცხვის მსურველს სხვა საბუთებთან ერთად შემოაქვს სადოქტორო კვლევითი პროექტის (პროსპექტუსი) გეგმა. გასაუბრებამდე 5 დღით ადრე სამეცნიერო კვლევებისა და განვითარების სამსახურის სპეციალისტი დოქტორანტის პროსპექტუსის ელექტრონულ ვერსიას უგზავნის დეკანის ბრძანებით, სადოქტორო პროგრამების მიხედვით, შექმნილ მიმღებ კომისიათა წევრებს.

დოქტორანტურაში მისაღები გასაუბრების გრაფიკი და მიმღები კომისიების შემადგენლობა მტკიცდება დეკანის ბრძანებით.

დოქტორანტობის მაძიებლის პროსპექტუსი და გასაუბრება კომისიის მიერ ფასდება ქვემოთ წარმოდგენილი კრიტერიუმების შესაბამისად და ფორმდება უწყისში (იხ. უწყისის დანართი). შევსებული უწყისი გადაეცემა სამეცნიერო კვლევებისა და განვითარების სამსახურს.

შევასების პრიცერიუმები

I. სადოქტორო კვლევითი პროექტის გეგმის (პროსპექტუსის) შევასება (ფასდება გასაუბრების კომისიის მიერ)	მაქსიმუმ 60 ქულა მინიმუმ – 31 ქულა
საკვლევი თემა	
კვლევის მიზანი და ამოცანები, საკვლევი კითხვები, ან/და ჰიპოთეზები	მაქსიმუმ 10 ქულა მაქსიმუმ 20 ქულა
კონცეპტუალური/თეორიული ჩარჩო და ლიტერატურის მიმოხილვა	მაქსიმუმ 20 ქულა
მეთოდოლოგია და კვლევის განხორციელების ეტაპები	მაქსიმუმ 10 ქულა

III. ბასაუბრების შეფასება (ფასდება გასაუბრების კომისიის მიერ)	მაქსიმუმ 40 ქულა მინიმუმ 20
დოქტორანტობის მაძიებლის ინფორმირებულობა საკვლევი საკითხის შესახებ	მაქსიმუმ 15 ქულა
ლოგიკური და არგუმენტირებული მსჯელობის უნარი კომუნიკაციის უნარი	მაქსიმუმ 10 ქულა მაქსიმუმ 15 ქულა

დოქტორატურაში მისაღები გასაუბრების შეფასების უწყისი

სადოქტორო პროგრამის დასახელება: _____

სახელი წელი: _____

დოქტორანტობის მაძიებლის გვარი, სახელი: _____

დოქტორანტობის მაძიებლის საგარაუდო ხელმძღვანელი: _____

პროსაეპტუსის შეფასების პრიტერიუმები	მაქსიმუმ 60 ქულა მინიმუმ – 31 ქულა	შეფასება	შენიშვნა
საკვლევი თემა	მაქსიმუმ 10 ქულა		
კვლევის მიზანი და ამოცანები, საკვლევი კითხვები, ან/და	მაქსიმუმ 20 ქულა		
კონცეპტუალური/თეორიული ჩარჩო და ლიტერატურის	მაქსიმუმ 20 ქულა		
მეთოდოლოგია და კვლევის განხორციელების ეტაპები	მაქსიმუმ 10 ქულა		
ბასაუბრების შეფასება	მაქსიმუმ 40 ქულა მინიმუმ 21		
დოქტორანტობის მაძიებლის ინფორმირებულობა საკვლები	მაქსიმუმ 15 ქულა		
ლოგიკური და არგუმენტირებული მსჯელობის კომუნიკაციის უნარი	მაქსიმუმ 10 ქულა		
კომუნიკაციის უნარი	მაქსიმუმ 15 ქულა		

მიმღები კომისიის თავმჯდომარის ხელმოწერა: -----

მიმღები კომისიის მდივნის ხელმოწერა: -----

მიმღები კომისიის წევრთა ხელმოწერა: -----

შევსების თარიღი: -----

სადოქტორო პროგრამას აქვს უფლება დამატებით შემოიღოს წერითი გამოცდა სპეციალობაში. გამოცდა ტარდება თხუ საგამოცდო ცენტრში. საგამოცდო საკითხები განთავსდება ფაკულტეტის ვებ-გვერდზე. გასაუბრებამდე 10 დღით ადრე ინიშნება გამოცდა. გამოცდაზე დადებითი შეფასების (21 ქულა) შემთხვევაში, სამეცნიერო კვლევებისა და განვითარების სამსახურის სპეციალისტი დოქტორანტობის მაძიებლის პროსპექტუსის ელექტრონულ ვერსიას უგზავნის დეკანის ბრძანებით პროგრამების მიხედვით შექმნილი მიმღები კომისიების წევრებს გასაუბრებაზე შესაფასებლად.

შევასების პრიტერიუმები

I. წერითი გამოცდა სპეციალობაში	მაქსიმუმ 40 ქულა, მინიმუმ 21 ქულა
II. სადოქტორო -კვლევითი პროექტის გეგმის (პროსპექტუსი) შეფასება (ფასდება გასაუბრების კომისიის მიერ)	მაქსიმუმ 30 ქულა მინიმუმ – 15 ქულა
საკვლევი თემა	მაქსიმუმ 5 ქულა
კვლევის მიზანი და ამოცანები, საკვლევი კითხვები, ან/და პიპოთეზები	მაქსიმუმ 10 ქულა
კონცეპტუალური/თეორიული ჩარჩო და ლიტერატურის მიმოხილვა	მაქსიმუმ 10 ქულა
მეთოდოლოგია და კვლევის განხორციელების ეტაპები	მაქსიმუმ 5 ქულა
II. ბასაუბრების შევასება (ფასდება გასაუბრების კომისიის მიერ)	მაქსიმუმ 30 ქულა მინიმუმ 15
დოქტორანტობის მაძიებლის ინფორმირებულობა საკვლევი საკითხის შესახებ	მაქსიმუმ 10 ქულა
ლოგიკური და არგუმენტირებული მსჯელობის უნარი	მაქსიმუმ 10 ქულა
კომუნიკაციის უნარი	მაქსიმუმ 10 ქულა

დოქტორატურაში მისაღები გამოცდის შეფასების უწყისი

საღოქტო პროგრამის დასახელება: _____

სასწავლო წელი: _____

დოქტორანტობის მაძიებლის გვარი, სახელი: _____

დოქტორანტობის მაძიებლის სავარაუდო ხელმძღვანელი: _____

სპეციალობაში გამოცდის შეფასება	წერითი გვარი	მაქსიმუმ 40 ქულა, მინიმუმ 21 ქულა	შეფასება	შენიშვნა
პროსპექტუსის შევასების პრიცენტუმები		მაქსიმუმ 30 ქულა მინიმუმ – 15 ქულა		
საკვლევი თემა		მაქსიმუმ 10 ქულა		
კვლევის მიზანი და ამოცანები, საკვლევი კითხვები, ან/და		მაქსიმუმ 20 ქულა		
კონცეპტუალური/თეორიული ჩარჩო და ლიტერატურის		მაქსიმუმ 20 ქულა		
მეთოდოლოგია და კვლევის განხორციელების ეტაპები		მაქსიმუმ 10 ქულა		
ბასაზბრების შევასება		მაქსიმუმ 30 ქულა მინიმუმ 15 ქულა		
დოქტორანტობის მაძიებლის ინფორმირებულობა საკვლები		მაქსიმუმ 10 ქულა		
ლოგიკური და არგუმენტირებული მსჯელობის		მაქსიმუმ 10 ქულა		
კომუნიკაციის უნარი		მაქსიმუმ 10 ქულა		

მიმღები კომისიის თავმჯდომარის ხელმოწერა: -----

მიმღები კომისიის მდივნის ხელმოწერა: -----

მიმღები კომისიის წევრთა ხელმოწერა: -----

შევსების თარიღი: -----

დანართი №3 სადოქტორო კოლოკვიუმის შეფასების წესი

სადოქტორო კოლოკვიუმი არის სადოქტორო პროგრამის შემადგენელი კომპონენტი, არადამაკმოყოფილებელი ან სრულიად არადამაკმაყოფილებელი შეფასების მიღების შემთხვევაში სადისერტაციო საბჭოს უფლება აქვს მიიღოს გადაწყვეტილება დოქტორანტის დაცვაზე არდაშეების თაობაზე.

საკოლოკვიუმო თემას უნდა ჰქონდეს მოკლე შესავალი ნაწილი, რომელშიც ასახული იქნება სადისერტაციონაშრომისმიზანი დააქტუალობა.

დოქტორანტი კოლოკვიუმს ირჩევს lms.tsu.ge-3.ge, აკადემიური რეგისტრაციის პერიოდში. დარეგისტრირების ვადის დასრულებიდან ერთი თვეში სამეცნიერო კვლევებისა და განვითარების სამსახური სადოქტორო პროგრამების ხელმძღვანელებთან კონსულტაციის საფუძველზე შეაღგენს კოლოკვიუმის დაცვის საფაკულტეტო გრაფიკს (სემესტრის დასკვნითი გამოცდების პერიოდში ერთი კვირის განმავლობაში), რომელსაც ამტკიცებს ფაკულტეტის დეკანი. გრაფიკის საინფორმაციო უზრუნველყოფასახორციელებს სამეცნიერო კვლევებისადაგანვითარების სამსახური. დოქტორანტმა საკოლოკვიუმო ნაშრომის ელექტრონული ვერსია უნდა ატვირთოს ფაკულტეტის სამეცნიერო კვლევებისა და განვითარების სამსახურის მიერ მითითებულ მისამართზე (https://tsu.ge/ge/faculties/social/hccla0ixc_o-h_tgp/phd_soc/yylmh84v63gpyuzvd/), სააუდიტორო მეცანიერებების დასრულებიდან 10 დღის ვადაში, ხოლო ბეჭდური ვერსია უნდა წარადგინოს სამეცნიერო კვლევებისადაგანვითარების სამსახურში, დაცვამდე 5 დღით ადრე.

სამეცნიერო კვლევებისა და განვითარების სამსახური უზრუნველყოფს კოლოკვიუმის ელექტრონული ვერსიის დარგობრივი კომისიის წევრებთან, პროცედურების დარღვევის შემთხვევაშიდოქტორანტიდაცვაზეარდაიშვება.

კოლოკვიუმის შფასება ხდება ქვემოთ მოცემული კრიტერიუმების მიხედვით

დოქტორანტი კოლოკვიუმის პრეზენტაციით (15–20 წუთი) წარდგება დარგობრივი კომისიის წინაშე, რომელსაც დაცვისთვის აუცილებელ ყველა საბუთს გადასცემს სამეცნიერო კვლევებისა და განვითარების სამსახურის სპეციალისტი. კოლოკვიუმის დაცვის პროცესი საჯაროა. დარგობრივი კომისია უფლებამოსილია შეუდგეს მუშაობას, თუ მას ესწრება კომისიის წევრთა საერთო რაოდენობის ნახევარზე მეტი.

სადოქტორო კოლოკვიუმის შეფასება ფორმდება უწყისში (ი. უწყისის დანართი 1). დოქტორანტის კოლოკვიუმის ბეჭდური და ელექტრონული ვერსიები, შეფასების უწყისი უნდა ინახებოდეს დოქტორანტის პირად საქმეში, ხოლო დისერტაციის დაცვის შემდეგდაარქივიზესაბამისი წესით.

კოლოკვიუმის გაფორმება:

- ელექტრონული ვერსია წარმოდგენილი უნდა იყოს pdf ფორმატში; დოკუმენტის სახელწოდება უნდა იყოს PhD Colloquium და ავტორის გვარი მიეთითოს მაგალითისამებრ (მაგ.: PhD Colloquium.Abashidze);
- ნაშრომი აქცევილი უნდა იყოს A4 ზომის სტანდარტულ ფურცელზე;
- შრიფტის რეკომენდებული სახე – AcadNusx, ან Sylfaen
- შრიფტის ზომა – 12
- სტრიქონებს შორის მანძილი – 1,5 ინტერვალი;
- ფურცლის არესა და ტექსტს შორის მანძილი – 2 სანტიმეტრი;
- ნაშრომის მოცულობა – არანაკლებ 20 გვერდისა დანართის გარეშე;
- ნაშრომი გაფორმებული უნდა იყოს APA სტილში

სადოქტორო კოლოკვიუმის შეფასების პრიტერიუმები:

ნაშრომის აქტუალობა, საპოლევი პრობლემის დასაბუთება
წყაროების რელევანტურობა საკვლევ საკითხთან და კონცეპტუალური ჩარჩოს გამართულობა
ახალი ცოდნის შექმნაზე ორიენტირებული მეთოდები და მიღებობები
შესაბამისობა სადოქტორო კოლოკვიუმის გაფორმების წესთან, ცოდნის დასაბუთებულად და გარკვევით გადმოცემა
კომუნიკაციისა და მსჯელობის უნარი

სადოქტორო კოლოკვიუმის შეფასების უწყისი

სადოქტორო პროგრამის დასახელება: -----

სასწავლო წელი: _____ სემესტრი: _____

დოქტორანტის გვარი, სახელი: _____

კოლოკვიუმის სახელწოდება

დოქტორანტის ხელმძღვანელის გვარი, სახელი:

	საკოლოკვიუმო ნაშრომის შეფასება	შეფასება	შენიშვნა
1	კოლოკვიუმის შეფასება დარგობრივი კომისიის მიერ		

შეფასების სისტემა:

ფრიადი	<i>summa cum laude</i>	შესანიშნავი ნაშრომი
ძალიან კარგი	<i>magna cum laude</i>	შედეგი, რომელიც წაყენებულ მოთხოვნებს ყოველმხრივ აღემატება
კარგი	<i>cum laude</i>	შედეგი, რომელიც წაყენებულ მოთხოვნებს აღემატება
საშუალო	<i>bene</i>	შედეგი, რომელიც წაყენებულ მოთხოვნებს ყოველმხრივ აკმაყოფილებს
დამაკმაყოფილებელი	<i>rite</i>	შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს
არადამაკმაყოფილებელი	<i>insufficienter</i>	შედეგი, რომელიც წაყენებულ მოთხოვნებს მნიშვნელოვანი ხარვეზების გამო ვერ აკმაყოფილებს
სრულიად არადამაკმაყოფილებელი	<i>sub omni canone</i>	შედეგი, რომელიც წაყენებულ მოთხოვნებს სრულიად ვერ აკმაყოფილებს

დარგობრივი კომისიის თავმჯდომარის ხელმოწერა: -----

დარგობრივი კომისიის მდივნის ხელმოწერა: -----

დარგობრივი კომისიის წევრთა ხელმოწერა: -----

შევსების თარიღი: -----

დანართი № 4 სადოქტორო სემინარის შეფასების წესი

სადოქტორო სემინარი არის სადოქტორო პროგრამის სასწავლო კომპონენტი. დოქტორანტის სასემინარო ნაშრომი არ უნდა იყოს დისერტაციის ნაწილი.

ნაშრომის თემატიკას განსაზღვრავს დოქტორანტი, სამეცნიერო ხელმძღვანელთან შეთანხმებით.

სემინარი 15 კრედიტიანია და ფასდება 100 ქადაგით.

დოქტორანტი სემინარს ირჩევს lms.tsu.ge-ზე, აკადემიური რეგისტრაციის პერიოდში. დარეგისტრირების ვადის დასრულებიდან ერთ თვეში სამეცნიერო კვლევებისა და განვითარების სამსახური სადოქტორო პროგრამების ხელმძღვანელებთან კონსულტაციის საფუძველზე შეადგენს სემინარის დაცვის საფაკულტეტო გრაფიკს (სემესტრის დასკვნითი გამოცდების პერიოდში ერთი კვირის განმავლობაში), რომელსაც ამტკიცებს ფაკულტეტის დეპარტამენტის გრაფიკის საინფორმაციო უზრუნველყოფას ახორციელებს სამეცნიერო კვლევებისა და განვითარების სამსახური.

დოქტორანტმა სასემინარო ნაშრომის ელექტრონული ვერსია უნდა ატვირთოს ფაკულტეტის სამეცნიერო კვლევებისა და განვითარების სამსახურის მიერ მითითებულ მისამართზე (https://tsu.ge/ge/faculties/social/hccla0ixc_o-h_tgp/phd_soc_gqntseptc5xlux_s/), სააუდიტორო მეცადინეობების დასრულებიდან 10 დღის ვადაში, ხოლო ბეჭდური ვერსია უნდა წარადგინოს სამეცნიერო კვლევებისა და განვითარების სამსახურში, პრეზენტაციამდე 5 დღით ადრე.

სამეცნიერო კვლევებისა და განვითარების სამსახური უზრუნველყოფს სასემინარო ნაშრომის ელექტრონული ვერსიის დარგობრივი სექციის წევრებთან და ხელმძღვანელთან გაგზავნას. სელმძღვანელმა ნაშრომის შეფასება პრეზენტაციამდე 5 დღით ადრე უნდა გაუგზავნოს სამეცნიერო კვლევებისა და განვითარების სამსახურს.

დოქტორანტი სასემინარო ნაშრომის დაცვაზე დაიშვება ხელმძღვანელის დადებითი შეფასების (30 ქადაგი) შემთხვევაში.

პროცედურების დარღვევის შემთხვევაში დოქტორანტი დაცვაზე არ დაიშვება.

დარგობრივი კომისია უფლებამოსილია შეუდგეს მუშაობას, თუ მას ესწრება წევრთა ნახევარზე მეტი.

სემინარი დაცულად ჩაითვლება, თუ დოქტორანტი მიიღებს მინიმუმ 51 ქადაგს.

სადოქტორო სემინარის შეფასება ფორმდება უწყისში (იხ. უწყისის დანართი 1), რომელშიც აისახება ხელმძღვანელის მიერ ნაშრომის და დარგობრივი კომისიის მიერ პრეზენტაციის შეფასება. დოქტორანტის სემინარი, ელექტრონულ ვერსიასთან ერთად, შეფასების უწყისი და ხელმძღვანელის შეფასება უნდა ინახებოდეს დოქტორანტის პირად საქმეში, ხოლო დისერტაციის დაცვის შემდეგ დაარქივდეს შესაბამისი წესით.

სასემინარო ნაშრომის გაფორმება:

- ფურცლის ზომა – A4;
- ელექტრონულ ვერსია წარმოდგენილი უნდა იყოს pdf-ის ფორმატში;
- შრიფტის რეკომენდებული სახე – AcadNusx, ან Sylfaen;
- შრიფტის ზომა – 12
- სტრიქონებს შორის მანძილი – 1,5 ინტერვალი;
- ფურცლის არესა და ტექსტის შორის მანძილი – 2 სანტიმეტრი;
- ნაშრომის მოცულობა – არანაკლებ 30 გვერდისა.
- ნაშრომი გაფორმებული უნდა იყოს APA სტილში

სადოქტორო სემინარის ნაშრომის შეფასების კრიტერიუმები

მაქსიმუმ 10 ქულა

I. სასემინარო ნაშრომის შეფასება (ფასდება დოქტორანტის ხელმძღვანელის მიერ)	მაქსიმუმ 60 ქულა მინიმუმ – 30 ქულა
სასემინარო თემის აქტუალობა	
წყაროების შესაბამისობა სასემინარო თემასთან	მაქსიმუმ 20 ქულა
სასემინარო თემის შესახებ არსებული ცოდნის კრიტიკული ანალიზი და შეფასება	მაქსიმუმ 20 ქულა
შესაბამისობა სადოქტორო სემინარის გაფორმების წესთან; ცოდნის დასაბუთებულად და გარკვევით გადმოცემა	მაქსიმუმ 10 ქულა

II. პრეზენტაციის შეფასება (ფასდება და რგობრივი სექციის მიერ)	მასიმუმ 40 ქულა მინიმუმ 21
ა) საპრეზენტაციო მოხსენების რელეგანტურობა საკვლევ თემასთან და სტრუქტურულ-შინაარსობრივი გამართულობა	მაქსიმუმ 20 ქულა
ბ) კომუნიკაციისა და მსჯელობის უნარი	მაქსიმუმ 10 ქულა
გ) საპრეზენტაციო მასალის შესრულების დონე	მაქსიმუმ 10 ქულა

სადოქტორო სემინარის შეფასების უწყისი

სადოქტორო პროგრამის დასახელება: -----

სასწავლო წელი: _____ სემესტრი: _____

კრედიტის ოდენობა: 15 კრედიტი

დოქტორანტის გვარი, სახელი: -----

სადოქტორო სემინარის სახელწოდება -----

დოქტორანტის ხელმძღვანელის გვარი, სახელი: -----

	სასემინარო ნაშრომი	მაქსიმალური ქულა 100, მინიმალური ქულა 51	შეფასება	შენიშვნა
1.	სასემინარო ნაშრომის შეფასება ხელმძღვანელის მიერ	60 ქულა		

2.	პრეზენტაციის დარგობრივი სექციის/კომისიის მიერ	შეფასება სექციის/კომისიის მიერ	40 ქულა		
	სულ		100 ქულა		

ცოდნის შეფასების სისტემა: სემინარის შეფასება ხდება 100 ქულიანი სისტემით; მინიმალურ
შეფასებას წარმოადგენს 51

91 -100	ფრიადი, A
81-90	ძალიან კარგი, B
71-80	კარგი, C
61-70	დამაკმაყოფილებელი, D
51-60	საკმარისი, E
41-50	ვერ ჩააბარა, FX
0-40	ჩაიჭრა, F

კომისიის თავმჯდომარის ხელმოწერა: -----

კომისიის მდივნის ხელმოწერა: -----

კომისიის წევრთა ხელმოწერა: -----

ხელმძღვანელის ხელმოწერა: -----

შევსების თარიღი: -----

დანართი № 5 პროფესორის ასისტენტობა

პროფესორის ასისტენტობა (5-30 კრედიტი) - დოქტორანტურაში სწავლის პერიოდში დოქტორანტი ვალდებულია ასისტენტობა გაუწიოს აკადემიურ პერსონალს და მონაწილეობა მიიღოს უნივერსიტეტის სასწავლო პროცესში.

პროფესორის ასისტენტობა გულისხმობს შემდეგს:

ბაკალავრიატისა და მაგისტრატურის სტუდენტებისთვის:

1. სამუშაო ჯიუფის, ლაბორატორიული სამუშაოების, პრაქტიკული მეცანეობის ჩატარება, შუალედური და დასკვნითი გამოცდის საკითხების, ტესტების მომზადება;
2. სტუდენტთა ნაშრომების გასწორება, საბაკალავრო, სამაგისტრო ნაშრომების რეცენზირება, საბაკალავრო ნაშრომების ხელმძღვანელობა;
3. ელექტრონული სასწავლო კურსის მომზადება სამეცნიერო ხელმძღვანელობას ერთად (ე.წ. LMS – Learning Management System – Moodle და სხვა);
4. საბაკალავრო სწავლების საფეხურზე ტუტორობა.

სალექციო კურსების წაკითხვა:

1. სალექციო კურსების წაკითხვა “საბავშვო უნივერსიტეტის” მსმენელთათვის (ფაკულტეტებზე სადოქტორო პროგრამების სპეციფიკის გათვალისწინებით შესაძლებელია სხვა აქტივობების ჩატარებაც).

კრედიტების მინიჭება:

კრედიტების რაოდენობა დამოკიდებულია ჩატარებული საათების რაოდენობაზე და იმ დროზე, რომელიც დოქტორანტმა შესრულებულ სამუშაოს მოანდომა.

მაგალითად:

კრედიტების მინიჭება ხდება შემდეგი პრინციპით: თითოეულ ჩატარებულ საათს ემატება ოთხი საათი, ანუ პირობითად ის დრო, რომელსაც ანდომებს დოქტორანტი მისთვის მზადებას. დავუშვათ, დოქტორანტმა სემესტრის განმავლობაში მაქსიმუმ ჩატარა 30 საათი, მაშინ 30 (საათი) + 120 (დოქტორანტის მომზადების საათები) = 150 საათი. 150 (საათი) : 25 (საათი/კრედიტი) = 6 კრედიტი

კრედიტების რაოდენობა ასევე დამოკიდებულია გასწორებული ნაშრომების რაოდენობაზე. დავუშვათ, რომ დოქტორანტი თითოეული ნაშრომის გასწორებას პირობითად ანდომებს 30 წუთს. თუ მის მიერ გასწორდა 100 ნაშრომი, მაშინ ამ საქმეზე დახარჯული 50 საათი. 50 : 25 = 2 კრედიტი

დოქტორანტის მიერ პროფესორის ასისტენტობის შეფასება ხდება შესრულებული სამუშაოს შესახებ მომზადებული ანგარიშის საფუძველზე. პროფესორის ასისტენტობისთვის კრედიტის მინიჭების წინაპირობაა შესრულებული სამუშაოს დადებითად შეფასება იმ პროფესორის მიერ, რომელსაც დოქტორანტმა ასისტენტობა გაუწია.

დოქტორანტის მიერ ჩატარებული სამუშაო ჯგუფის, ლაბორატორიული სამუშაოების, პრაქტიკუმების და სემინარების საათები არ უნდა შედიოდეს სხვა აკადემიური და/ან მოწვევული პერსონალის საათობრივ დატვირთვაში.

პროფესორის ასისტენტობა
ანგარიში შესრულებული სამუშაოს შესახებ

სასწავლო წელი:

სასწავლო სემესტრი:

დოქტორანტის სახელი და გვარი : _____

ფაკულტეტი: _____

სადოქტორო პროგრამა:

სადოქტორო პროგრამის ხელმძღვანელი:

დოქტორანტის სამეცნიერო ხელმძღვანელი:

დოქტორანტურაში ჩარიცხვის ბრძანების ნომერი:

შესრულებული სამუშაო	დახარჯული დროის მოცულობა	დოქტორანტის მიერ დაგროვილი კრედიტების რაოდენობა	შეფასება
---------------------	--------------------------	-------------------------------------------------	----------

სამუშაო ჯგუფი (სემინარი)	საკონტაქტო საათების რაოდენობა: დამოუკიდებელი მუშაობის საათების რაოდენობა: სულ:		
ლაბორატორიული სამუშაო/პრაქტიკუმი	საკონტაქტო საათების რაოდენობა: დამოუკიდებელი მუშაობის საათების რაოდენობა: სულ:		
ლექცია “საბავშვო უნივერსიტეტი”	საკონტაქტო საათების რაოდენობა: დამოუკიდებელი მუშაობის საათების რაოდენობა: სულ:		
ზოგიერთი სალექციო თემის მომზადება	საკონტაქტო საათების რაოდენობა: დამოუკიდებელი მუშაობის საათების რაოდენობა: სულ:		
შეალებული და საბოლოო გამოცდის საკითხების, ტესტების მომზადება	მომზადებული მასალის მოცულობა: მასალის მომზადებაზე დახარჯული დრო: სულ:		
სტუდენტთა ნაშრომების გასწორება	ნაშრომების რაოდენობა: თითოეული ნაშრომის გასწორებაზე დახარჯული დრო: სულ:		
საბაკალავრო/სამაგისტრო ნაშრომების რეცენზირება	ნაშრომების რაოდენობა: თითოეული ნაშრომის რეცენზირებაზე დახარჯული დრო:		

	სულ: ელექტრონული სასწავლო კურსებისთვის მასალების მომზადება მომზადების მასალის მოცულობა: მასალის მომზადებაზე დახარჯული დრო: სულ:		
საბაკალავრო ნაშრომის ხელმძღვანელობა	ნაშრომების რაოდენობა: თითოეული ნაშრომის ხელმძღვანელობაზე დახარჯული დრო: სულ:		
ტუტორობა სხვა	სტუდენტთა კონსულტაციაზე დახარჯული დრო:		
საბოლოო შეფასება			

დოქტორანტის ხელმოწერა:

პროფესორის ასისტენტის ხელმძღვანელის ხელმოწერა:

თარიღი:

პროფესორის ასისტენტის შეფასების უწყისი სასწავლო წელი:

სასწავლო სემესტრი: დოქტორანტის სახელი და გვარი :

ფაქულტეტი: _____

სწავლების საფეხური: _____

სადოქტორო პროგრამის სახელწოდება:

დისციპლინა:

კრედიტების რაოდენობა:

პროფესორის ასისტენტის ხელმძღვანელი:

№	შესრულებული სამუშაო	დახარჯ. დროის მოცულ.	დაბრ. კრედიტი	შეფასება	სემესტ რი	სასწ. წელი

1	სამუშაო ჯგუფი (სემინარი)				
2	ლაბორატორიული სამუშაო/პრაქტიკუმი				
3	ზოგიერთი სალექციო თემის მომზადება				
4	შეალედური და საბოლოო გამოცდის საკითხების, ტესტების მომზადება				
5	სტუდენტთა ნაშრომების გასწორება				
6	საბაკალავრო/სამაგისტრო ნაშრომების რეცენზირება				
7	საბაკალავრო ნაშრომის ხელმძღვანელობა				
8	ელექტრონული სასწავლო კურსებისთვის მასალების მომზადება				
9	ლექცია “საბაკალავრო უნივერსიტეტი”				
10	ტუტორობა				
10	სხვა				
საბოლოო შეფასება სულ:					

პროფესორის ასისტენტის ხელმძღვანელის ხელმოწერა:

თარიღი:

დანართი №6. ნაშრომის დიზაინი

სადისერტაციო ნაშრომის მოცულობა დანართის გარეშე არის არაუმცირეს 125 გვერდისა, უცხოენოვანი კერძის მოცულობაა 30-45 გვერდი. ფურცლის ზომა A4, შრიფტის სახეობა AcadNusx, ან Sylfaen, Times New Roman შრიფტის ზომა – 12. სტრიქონებს შორის მანძილი 1,5; გვერდის საზღვრები მარცხნიდან 3 სმ, ზემოდან და ქვემოდან 2,5 სმ, მარჯვნიდან 1,5 სმ. ნაშრომს თან უნდა ერთვოდეს გამოყენებული ლიტერატურის ჩამონათვალი (ციტირება და ლიტერატურის მითითება შოთა რუსთაველის სახელობის ქართული ლიტერატურის ინსტიტუტის პუბლიკაციების სტილით, ან APA სტილით).